

**Edmy Rien Kyla Santos**  
**Lesson 1 - Writing Exercise 1**

**EXT. Puno ng balite sa gitna ng sakahan. Dapithapon.**

Sa ilalim ng puno makikita ang dalawang pares ng sapatos na nakakalat. May isang nakasalumpak na bag sa damuhan. Isa nakasabit sa puno.

Mula sa likod ng puno, sisilip ang nagtatawang si BERTING (12, patpatin). Kung hindi mo siya kilala, iiwasan mo ang kanyang dungis at itsura. Papasok si JORGE (13, malaking bulas) hapong hapo.

Jorge  
Tangina naman pagod na pagod na ko Berto.  
Bahala ka dyan. Dito na lang ako sa base. Nasa akin bag mo!

Gugulatin ni Berting si Jorge.

Berting  
Boom!

Kokotongan ni Jorge si Berting pero makakawala. Magpapaikot ikot lang sila sa puno.

Jorge  
Kanina pa ko takbo ng takbo tama na! Taympers! Taympers!

Titigil si Jorge at sasandal sa puno.

Jorge  
Iba na lang laruin natin.

Berting  
Anong laro?

Jorge  
Ito tingnan mo..

Tatalikod sa tapat ng bag. May susukbitin pero di natin makikita. Pagkamangha ang nasa mukha ni Berting.

Jorge  
Ang laki no?

Berting  
...wow!

Jorge  
Kanina ko sana papakita sa cr, kaya lang nakabantay si Manong.

Berting  
Pwedeng...pwedeng pahawak ako?

Jorge  
Saglit teka... (may maririnig na click) oh ayan!

Berting  
Bakit ang bigat..

Iangat ang bagay. Baril. Totoong baril.

Berting  
...water gun? May tubig ba to? Saan mo nakuha?

Aalugin ni Berting. Sisilipin ang bunganga ng baril.

Jorge  
Katabi ng mga magasin sa ilalim ng katre ni Papa.

Berting  
Magasin? Bakit nakatago yung mga magasin?

Jorge  
A-aba malay ko kay Papa, tanong mo.

Astang aasinta si Berting.

Berting  
Kamukha ko na ba si Cardo?

Jorge  
Carding ang gago hahaha

BANG! Biglang nakalambit ang gatilyo. Tumilapon ang dalawa. Nabitawan ang baril. Naligalig ang mga ibon sa sakahan. Matutulala ang mga bata. Sandali lamang, magtitinginan. At tatawa. Magtatawanan ang mga loko.

Berting.  
WOW! ISA PA ISA PA

Maguunahan ang dalawa sa paghawak.

Jorge  
Adik ka ako naman!

Makukuha ni Jorge ang baril. Magpopose ng kung ano ano. Itututok kay Berting. Mapapatras si Berting sa biglang pagkaseryoso ni Jorge.

Jorge  
(Malalim ang boses)  
Sumuko ka na! Wala ka nang magagawa. Napapalibutan ka na namin.

Berting  
Wag po! Wag po! Wala akong kasalanan!

Jorge  
Taas ang mga kamay!

Berting  
Maawa na po kayo!

Lalapit si Jorge. Dahan dahang luluhod si Berting.

Jorge  
Maawa. Hmp! Bakit ako maawa sa mga adik! Mga siraulo kayo!

Berting  
Di ako adik!

Hahablutin ni Berting ang baril. Magaagawan ang dalawa. Pinipigilang tumawa ng mga bata. Hanggang di na makayaan. Maaagaw ni Berting at sa ulo ni Jorge itututok.

Berting  
Kaya lagi kang taya e. Hina mo.

Mawawala ang ngiti ni Jorge. Nakangiti pa rin si Berting. Kakalabitin. May maririnig na tili mula sa malayo. lingay ang paligid sa direksyong iyon.

Jorge  
Gago.. ano yun?

Mapapatingin si Jorge sa direksyon ng tili. Tatanawin. Kakalikutin ni Berting ang baril. Nagtataka. Kukunin ni Jorge ang mga gamit niya. Aagawin ang baril sa nagtatakang Berting at isusukbit sa bag.

Jorge  
Huli ka baliw! Ikaw naman taya!

Magtatakbo palayo si Jorge. Ang litong Berting aligagang kukunin ang mga gamit at hahabol. Nagtatatawa. Mag nanaruto run.

Berting  
Akala mo naman, mahuhuli rin kita!

**Wakas.**